

Broj: 03-04-752-7/2026
Sarajevo, 23.07.2026. godine

PARLAMENT FEDERACIJE BOSNE I HERCEGOVINE

Predstavnički dom

gosp. Sanel Kajan, poslanik ✓
gosp. Ivan Miličević, sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 24-07-2026			
Org. jed.	Broj	Priloga	Vrijednost
05/1	-02-	405	/ 26

Predmet: Odgovor na poslaničko pitanje/inicijativu

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Agencije za vodno područje Jadranskog mora Mostar, broj: 52-1/04-2-515-1/26 od 20.07.2026. godine, koji se odnosi na poslaničko pitanje/inicijativu, koje je postavio/podnio poslanik Sanel Kajan, kao i akt Federalnog ministarstva okoliša i turizma, broj: 05-19-678/26 od 21.07.2026. godine, koji sadrži odgovor na navedeno pitanje/inicijativu.

S poštovanjem,



SEKRETAR VLADE

dr. sci. Edita Kalajdžić

Prilog: kao u tekstu

Tel: ++387 36 397-881; 397-882

BOSNA I HERCEGOVINA
FEDERACIJA BOSNE I HERCEGOVINE

Fax: ++387 36 397-883

Broj: 52-1/04-2-515-1/26
Mostar, 20.07.2026. g.

PRIMLJENO: 23.07.2026			
Organizaciona jedinica	Klasifikaciona oznaka	Redni broj	Broj priloga
03-04-	752-7/	2026	1000

VLADA FBiH

Hamdije Čemerlića br.2
1000 Sarajevo**Predmet:** Poslaničko pitanje/inicijativa – odgovor, dostavlja se**Veza:** Vaš akt broj: 03-04-752-7/2026. od 09.07.2026.g.

Poštovani,

dana 15.07.2026.g. Agencija za vodno područje Jadranskog mora je zaprimila akt Vlade FBiH, naveden u vezi, kojim se Agenciji dostavlja poslaničko pitanje/inicijativa upućeno Federalnom ministarstvu okoliša i turizma koje je podnio Sanel Kajan, poslanik u Predstavničkom domu Parlamenta Federacije BiH, u prilogu kojeg je dostavljena kopija akta predsjedavajućeg Zastupničkog doma Parlamenta Federacije BiH broj 05/1-02-405/265 od 07.07.2026.godine sa kopijom Zastupničkog pitanja/ inicijative Sanela Kajana od 03.07.2026.godine.

Ovim putem dostavljamo informacije vezane za zastupničku inicijativu kako slijedi:

Odobrenja za gradnju objekta (uključujući sve dijelove objekta pa tako i dio objekta za odvodnju voda) izdaju tijela nadležna za oblast gradnje. U postupku ishoda odobrenja za gradnju izdaju se i suglasnosti po posebnim propisima (u konkretnom slučaju propisi iz oblasti upravljanja vodama). U navedenom smislu, vodna suglasnost je samo jedan od više dokumenata koji se prema posebnim zakonima moraju pribaviti u cilju ishoda odobrenja za gradnju. Na web stranici Agencije su dostupni svi pravosnažni vodni akti koje ova Agencija izdaje.

U pogledu nadzora na terenu ova Agencija nema zakonskog ovlaštenja vršiti bilo kakav nadzor na izvođenjem predmetnih radova, obzirom da je pitanje nadzora nad izvođenjem radova u domenu oblasti prostornog planiranja i gradnje. O kakvim se radovima na predmetnoj lokaciji konkretno radi može (i treba) utvrditi nadležni građevinski inspektor koji je jedini ovlašten za to i koji jedini može poduzeti mjere propisane zakonom o gradnji ukoliko se utvrdi da se radovi izvode u suprotnosti s datim odobrenjima i odnosnom projektnom dokumentacijom.

Stojimo na raspolaganju za eventualne dodatne informacije iz svoje nadležnosti.

S poštovanjem,



Dostaviti:

1. Naslovu
2. Federalno ministarstvo poljoprivrede, vodoprivrede i šumarstva
3. Federalno ministarstvo okoliša i turizma
4. Federalna uprava za inspekcijske poslove
5. AVPM: 52-1, 40-1, 40-2, 22-1, 22-3, 10-1
6. a/a

Registracija agencije:
Općinski sud u Mostaru
Registracijski broj:
Tt-O-919/07

Identifikacijski broj:
4227123060007

Korisnička banka i broj računa:
Unikredit Zagrebačka banka BH d.d. Mostar
Broj računa: 338-100-22003965-22

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 05-19-678/26
Sarajevo, 21.07.2026. godine

Bosna i Hercegovina
Federacija Bosne i Hercegovine
Vlada Federacije Bosne i Hercegovine
n/r Edita Kalajdžić, tajnik/sekretar Vlade Federacije BiH

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 23.07.2026			
Organizaciona jedinica	Klasifikaciona oznaka	Redni broj	Broj priloga
03-	04-	752	7/2026

PREDMET: Odgovor na zastupničko pitanje: dostavlja se
Veza: Vaš broj: 03-04-752-7/2026 od 09.07.2026. godine

Poštovani,

Sanel Kajan, zastupnik u Predstavničkom domu Parlamenta Federacije Bosne i Hercegovine, postavio je slijedeća pitanja i podnio zastupničku inicijativu:

1. Da li je Federalno ministarstvo okoliša i turizma upoznato s radovima i postavljanjem cijevi velikog promjera u neposrednoj blizini, odnosno prema koritu rijeke Bunice na području Mostara?

Odgovor: Federalno ministarstvo okoliša i turizma je po zaprimanju prijave građana i saznanja o izvođenju predmetnih spornih radova, u okviru svojih zakonom propisanih nadležnosti, pokrenulo aktivnosti radi utvrđivanja svih relevantnih činjenica. U tom smislu, od investitora je zatraženo očitovanje, dok je prijava sa priloženom fotodokumentacijom dostavljena nadležnim inspeksijskim organima radi utvrđivanja činjeničnog stanja i postupanja u okviru njihovih zakonskih nadležnosti.

2. Da li je Ministarstvo za predmetni zahvat izdalo okolišnu dozvolu, prethodnu saglasnost, mišljenje ili drugi akt iz svoje nadležnosti?

Odgovor: Federalno ministarstvo okoliša i turizma je za predmetne radove izdalo okolinsku dozvolu broj: UPI 05/2-23-11-22/19 SN od 16.05.2019. godine, sa rokom važenja od pet godina. Dozvola trenutno nije važeća zbog isteka roka njenog važenja. Nakon isteka nije pokretan postupak obnove, jer se za predmetnu vrstu infrastrukturnog projekta, u skladu sa Uredbom kojom se utvrđuju pogoni i postrojenja koja moraju imati okolinsku dozvolu („Službene novine Federacije BiH“, br. 51/21 i 74/22) okolišna dozvola za autoceste ne izdaje niti obnavlja jer ne spada u kategoriju industrijskih postrojenja, a u skladu sa Zakonom o autocesti („Službene novine Federacije BiH“, broj 8/13) na Koridoru Vc, ne provodi se postupak izdavanja rješenja o odobrenju studija.

3. Ukoliko je izdat bilo koji akt, molim da dostavite informaciju: ko je podnosilac zahtjeva, odnosno investitor; kada je zahtjev podnesen; kada je akt izdat; koja je tačna namjena projekta; koje su okolišne mjere i obaveze propisane investitoru; da li je predviđeno ispuštanje bilo kakvih voda ili drugih materija u rijeku Bunicu?

Odgovor: Podnosilac zahtjeva za izdavanje okolinske dozvole je JP Autoceste Federacije Bosne i Hercegovine d.o.o. Mostar, kao investitor projekta izgradnje autoceste na Koridoru Vc – poddionica Tunel Kvanj – Buna (dio LOT-a Mostar Sjever – južna granica).

Federalno ministarstvo okoliša i turizma je dana 13.03.2019. godine zaprimilo zahtjev za izdavanje okolinske dozvole za navedeni projekat. Po provedenom postupku, dana 16.05.2019. godine izdato je Rješenje o okolinskoj dozvoli broj: UPI 05/2-23-11-22/19 SN. Okolinska dozvola izdata je na period utvrđen važećim propisima, a period njenog važenja je istekao. U predmetnoj okolinskoj dozvoli, koja je izdata na osnovu urađene Studije uticaja na okoliš, propisane su mjere zaštite okoliša, uključujući i mjere zaštite voda tokom izgradnje i korištenja. Predmetni projekat podliježe pribavljanju vodnih akata kojima se propisuje zaštita podzemnih i površinskih voda u skladu sa Zakonom o vodama („Službene novine Federacije BiH“, br. 70/06) i njemu pripadajućih podzakonskih akata i to: izdavanjem prethodne vodne saglasnosti, vodne saglasnosti i vodne dozvole, a što je u nadležnosti Agencije za vodno područje Jadranskog mora. Među propisanim mjerama predviđeno je provođenje permanentne kontrole radi eliminisanja mogućih uticaja na vode, u skladu sa uslovima iz prethodne vodne saglasnosti koju je izdala Agencija za vodno područje Jadranskog mora, obaveza predviđanja odgovarajućeg kanalskog sistema i odjeljivača ulja i masti za tretman voda, kao i obaveza predviđanja raspršivanja prečišćene vode iz odjeljivača ulja i masti na površinama zemljišta bogatom vegetacijom. Detaljniji uslovi u pogledu tretmana, načina ispuštanja i krajnje dispozicije svih vrsta voda uređuju se vodnim aktima koje izdaje nadležna Agencija za vodno područje Jadranskog mora, u skladu sa propisima iz oblasti voda. Provođenje propisanih mjera i usklađenost aktivnosti na terenu sa izdatim aktima predmet su kontrole nadležnih organa u okviru njihovih zakonom utvrđenih nadležnosti.

4. Da li je za predmetni zahvat provedena procjena utjecaja na okoliš ili postupak prethodne procjene utjecaja na okoliš?

Odgovor: Za predmetni zahvat proveden je postupak procjene utjecaja na okoliš u skladu sa tada važećim Zakonom o zaštiti okoliša („Službene novine Federacije BiH“, br. 33/03 i 38/09), u okviru kojeg je izrađena Studija utjecaja na okoliš, koja je predstavljala osnov za izdavanje okolinske dozvole Federalnog ministarstva okoliša i turizma, sa propisanim mjerama zaštite okoliša.

5. Ukoliko procjena utjecaja na okoliš nije provedena, na osnovu kojih kriterija je utvrđeno da takav postupak nije potreban?

Odgovor: Ovo pitanje nije primjenjivo, budući da je za predmetni zahvat proveden postupak procjene utjecaja na okoliš, te je na osnovu istog izdata okolinska dozvola u skladu sa tada važećim Zakonom o zaštiti okoliša („Službene novine Federacije BiH“, br. 33/03 i 38/09).

6. Ko je investitor, a ko izvođač radova na predmetnoj lokaciji i koja je tačna namjena postavljenih cijevi?

Odgovor: Investitor projekta je JP Autoceste Federacije Bosne i Hercegovine d.o.o. Mostar. Prema očitovanju investitora, koje je Ministarstvo zatražilo nakon zaprimanja prijave, predmetni cjevovod predstavlja dio sistema za organizovano prihvatanje i odvođenje prirodnih oborinskih voda sa okolnog slivnog područja koje se i u postojećem stanju prirodno slijevaju prema rijeci Bunici. Dostavljenom dokumentacijom investitor je naveo da je predmetno rješenje razvijeno kroz postupak rješavanja pritužbi lokalnog stanovništva, nakon obilaska terena i održanih sastanaka sa zainteresovanim stranama, s ciljem sprečavanja nekontrolisanog površinskog oticanja, spiranja blata i mulja sa gradilišta, erozije i nastanka šteta na okolnim parcelama. Ministarstvo ne raspolaže podacima o izvođaču radova, budući da isti nisu predmet postupka izdavanja okolinske dozvole. U prilogu ovog akta dostavljaju se zapisnici sa održanih sastanaka vezanih za razmatranje pritužbi lokalnog stanovništva i usaglašavanje mjera za sanaciju predmetne lokacije.

7. Da li je projektom predviđeno da se kroz predmetne cijevi u rijeku Bunicu ispuštaju oborinske vode, tehničke vode, procjedne vode, komunalne ili sanitarne otpadne vode, vode sa kolovoznih, industrijskih ili drugih površina ili neka druga vrsta voda ili materija?

Odgovor: Prema očitovanju investitora dostavljenom ovom Ministarstvu, predmetni cjevovod namijenjen je organizovanom odvođenju prirodnih oborinskih voda sa okolnog slivnog područja koje se i u postojećem stanju prirodno slijevaju prema rijeci Bunici. Investitor je naveo da predmetnim sistemom nije predviđeno ispuštanje voda sa gradilišta, oborinskih voda sa kolovoza tokom eksploatacije autoceste, komunalnih, sanitarnih, tehnoloških, procjednih ili drugih otpadnih voda u rijeku Bunicu. Za odvodnju voda sa kolovoza autoceste projektovan je poseban sistem odvodnje i prečišćavanja u skladu sa uslovima iz okolinske dozvole i izdatih vodnih akata. Federalno ministarstvo okoliša i turizma je, u vezi sa prijavom građana koja se odnosila na predmetni cjevovod, istu prosljedilo Kantonalnom ministarstvu privrede Hercegovačko-neretvanskog kantona – Inspektoratu, radi postupanja u okviru njihove nadležnosti. Nakon dostavljanja informacije o izvršenom nadzoru i eventualno poduzetim mjerama, Ministarstvo će Vam istu prosljediti.

8. Da li je izvršena analiza mogućeg utjecaja predmetnog zahvata na kvalitet površinskih i podzemnih voda, biljni i životinjski svijet, riječne i priobalne ekosisteme, hidrološki režim rijeke Bunice, zemljište u okolini, zdravlje stanovništva te turističke i rekreativne vrijednosti ovog područja?

Odgovor: U okviru Studije uticaja na okoliš za izgradnju autoceste na Koridoru Vc – LOT 4 Mostar sjever – južna granica, razmatrani su mogući utjecaji zahvata na vode, zemljište, biljni i životinjski svijet, stanovništvo i druge sastavnice okoliša. Studijom su utvrđene mjere zaštite okoliša koje se primjenjuju tokom izgradnje i korištenja autoceste. Studija uticaja na okoliš je razmatrana u okviru provedenog postupka procjene uticaja na okoliš, u kojem je izvršena stručna ocjena dokumentacije od strane imenovane stručne komisije. Komisija je, u skladu sa svojim nadležnostima, razmatrala sadržaj Studije, uključujući analizu mogućih utjecaja i predložene mjere zaštite okoliša, te je na osnovu provedene procedure data saglasnost za prihvatanje Studije kao osnove za donošenje odluke u postupku izdavanja okolinske dozvole. Stručne podatke o hidrološkom režimu rijeke Bunice mogu dati: Federalni hidrometeorološki zavod Federacije Bosne i Hercegovine i Agencija za vodno područje Jadranskog mora koja raspolaže podacima o vodnim resursima i hidrološkim analizama. U svakom postupku ocjene studije uticaja na okoliš agencije za vodna područja (zavisno da li se radi o slivu rijeke Save ili Jadranskog mora) ključni su zainteresovani subjekt koji se pisanim putem obavještava o postupu koji se vodi u ovom Ministarstvu.

12. Da li je u postupku razmatrana kumulativna izloženost rijeka Bune i Bunice različitim građevinskim, infrastrukturnim, privrednim i drugim zahvatima?

Odgovor: U okviru Studije uticaja na okoliš razmatrani su utjecaji predmetnog zahvata na okoliš u okviru obuhvata projekta. Predmetni projekat podliježe pribavljanju vodnih akata kojima se propisuje zaštita podzemnih i površinskih voda u skladu sa Zakonom o vodama („Službene novine Federacije BiH“, br. 70/06) i njemu pripadajućih podzakonskih akata i to: izdavanjem prethodne vodne saglasnosti, vodne saglasnosti i vodne dozvole što je u nadležnosti Agencije za vodno područje Jadranskog mora.

13. Da li su Buna i Bunica obuhvaćene posebnim režimom zaštite prirode ili postupkom uspostavljanja zaštićenog područja i kako predmetni radovi mogu utjecati na takve postupke?

Odgovor: U okviru aktivnosti na zaštiti navedenog područja, Grad Mostar je angažovao konsultantsku kuću koja provodi potrebna istraživanja, dok je Federalno ministarstvo okoliša i turizma obezbijedilo finansijska sredstva za izradu Stručnog obrazloženja za buduće zaštićeno područje. Stručno obrazloženje će, na osnovu provedenih istraživanja, pružiti sveobuhvatan pregled vrijednosti prostora, definisati mjere zaštite, prijedlog zoniranja, uslove korištenja prostora i druge smjernice relevantne za njegovo buduće upravljanje i očuvanje. Eventualni zahvati na predmetnom prostoru moraju biti realizovani uz primjenu odgovarajućih mjera zaštite okoliša i u skladu sa važećim propisima, kao i uslovima koje utvrde nadležne institucije.

14. Da li će Ministarstvo zatražiti hitan inspekcijski nadzor nad zakonitošću predmetnih radova i njihovim mogućim utjecajem na okoliš?

Odgovor: Federalno ministarstvo okoliša i turizma je odmah po zaprimanju prijave dostavilo predmet Federalnoj upravi za inspekcijske poslove i nadležnoj kantonalnoj inspekciji radi postupanja u okviru njihove zakonske nadležnosti.

15. Da li će Ministarstvo uputiti Federalnoj upravi za inspekcijske poslove inicijativu za angažiranje nadležnih okolišnih, vodnih, urbanističko-građevinskih i drugih inspektora?

Odgovor: Federalno ministarstvo okoliša i turizma će, u okviru svojih zakonskih nadležnosti, nastaviti saradnju sa nadležnim inspekcijskim i drugim organima. Ministarstvo će pratiti realizaciju mjera naloženih od strane nadležnih organa, te će, ukoliko se kroz provedene postupke utvrde činjenice koje ukazuju na potrebu za postupanjem iz nadležnosti Ministarstva, poduzeti odgovarajuće aktivnosti u skladu sa važećim propisima.

16. Da li će, ukoliko se utvrdi da investitor ne posjeduje potrebnu okolišnu dozvolu ili da radovi mogu izazvati zagađenje ili degradaciju okoliša, Ministarstvo poduzeti mjere iz svoje nadležnosti?

Odgovor: Federalno ministarstvo okoliša i turizma će, ukoliko se u postupcima nadležnih organa utvrde činjenice koje ukazuju na postupanje suprotno propisima iz oblasti zaštite okoliša, poduzeti mjere iz svoje nadležnosti u skladu sa Zakonom o zaštiti okoliša i njemu pripadajućim važećim propisima.

19. Da li će Ministarstvo rezultate provjera, analiza i postupanja učiniti javno dostupnim, imajući u vidu izraženu zabrinutost stanovništva?

Odgovor: Federalno ministarstvo okoliša i turizma će, u skladu sa Zakonom o slobodi pristupa informacijama u Federaciji Bosne i Hercegovine i važećim propisima, učiniti javno dostupnim informacije kojima bude raspolagalo, u okviru svojih nadležnosti.

Očitovanje na zastupničku inicijativu:

Federalno ministarstvo okoliša i turizma je postupajući po predmetnoj inicijativi, a imajući u vidu da se ista sadržajno odnosi na pitanja obuhvaćena zastupničkim pitanjima, kroz odgovore na ista dalo informacije o raspoloživim podacima i poduzetim aktivnostima iz svoje nadležnosti.

S poštovanjem,



Prilog:

- Zapisnici sa sastanaka o pritužbama lokalnog stanovništva i mjerama sanacije predmetne lokacije.

Dostaviti:

- Naslovu,
- a/a

ZAPISNIK SA SASTANKA

Lokacija: Parila, Hodbina

Datum: 1.10.2025.

Tema: Razmatranje pritužbi vezanih za spiranje materijala (blata i mulja) s gradilišta

Sudionici sastanka:

Investitor: g. Bože Talić, g. Ivan Rebac

Izvođač: predstavnici izvođača radova

Nadzor: predstavnici nadzora

Zainteresirane strane: g. Bojan Stević (podnositelj službene pritužbe u sustavu), Dragan Stević, Rukija Mahinić

Tijek sastanka:

Obilazak lokacije

Sastanak je započeo obilaskom terena na lokaciji Parila, Hodbina, gdje je incident spiranja materijala s gradilišta prema kućama i poljoprivrednim parcelama u više navrata evidentiran.

Uvodno obraćanje

Nakon obilaska, g. Bože Talić (u ime investitora) upoznao je prisutne s ciljevima sastanka:

- definiranje privremenih mjera koje je potrebno hitno provesti,
- dogovor o trajnim mjerama sanacije problema,
- razmatranje pitanja vezanih uz elaborat eksproprijacije.

Prijedlog zainteresiranih strana

U ime zainteresiranih strana, g. Bojan Stević iznio je prijedlog trajnih sanacijskih mjera, a to je instalacija dvaju pjeskolova:

- prvi pjeskolov neposredno ispod visokog nasipa,
- drugi pjeskolov ispod ceste, nakon kojeg bi voda bila vođena betonskim i zemljanim kanalom do rijeke Bunice,

- izgradnja kanala uz rub k.č. 807 i k.č. 808 a preko parcele k.č. 810 označene kao javni i nekategorizirani putevi

Zaključci investitora

Investitor je naložio izvođaču da, na temelju prijedloga g. Stevića i prema premjerima geometra, pripremi projektna rješenja trajnih mjera sanacije.

Suglasnost za privremene mjere

Zainteresirane strane su na licu mjesta dale suglasnost za izvođenje radova kojima će se provesti privremene mjere zaštite od blata i mulja s gradilišta. Uz navedeno, stranke su se izjavile da će dati pismenu suglasnost na navedeno, ukoliko bude potrebno.

Zaključak:

Sastanak je završen dogovorom da izvođač bez odgode započne s provedbom privremenih mjera, dok će se projektna rješenja za trajnu sanaciju definirati i usuglasiti u narednom razdoblju, u skladu s prijedlozima i geodetskim podlogama.

PRISUTNI:

Red.br	IME I PREZIME	Lokacija/ Organizacija	e-mail:	Telefon/Mobitel
1.	IVAN REBAC	JPAC	ivan.rebac@jpautoceste.ba	—
2.	Bojan Stević	Ulatnik parceta	bojan.stevic@pravotudik.ba	065 325 271
3.	DRAŽAN STEVIC	Ulaguška parceta	drasaustr@gmail.com	0057822-834
4.	MAHINIĆ RUKIJA	VLASNIK PARCELE	amahinic@hotmail.com	061 506 564
5.	SIMUNOVIC JELICA	PROYAPI	jelara.simunovic@proyapi.com	
6.	ARMIN PROJEKTOVANJE	PROYAPI	armin@proyapi.ba	066 488 705
7.	MUHAMMED DZALOVIC	CEBC	muhamed.dzalovic@gmail.com; umuhamed.dzalovic@cebc.ba	062-610-651
8.	BOŽE TALIĆ	JPAC	boze.talic@jpautoceste.ba	063-321 - -060
9.				
10.				
11.				
12.				
13.				



Identifikacijski broj 4227691540005 PDV broj 227691540005

Glavni račun: Union banka Sarajevo 1020010000014039

Transakcijski račun: Raiffeisen bank dd Sarajevo, glavna filijala Mostar 1610200062470038

Federalna taksa za korištenje autoceste: 1610200062470232 | 3386902296565422

Naknada za korištenje cestovnog zemljišta: 1610200062470135 | 3386902296564549

Registrovano u Općinskom sudu u Mostaru, MBS 58-01-0179-10

ZAPISNIK SA SASTANKA

Projekt: Koridor Vc – Dionica Tunel Kvanj – Buna

Lokacija: Parila – Hodbina

Datum: 20.02.2026.

Tema: Prezentacija idejnog rješenja trajne sanacije

Prisutni:

- Predstavnici Investitora
- Predstavnici Izvođača
- Predstavnici Nadzora
- Zainteresirane strane:
 - Rukija Mahinić
 - Alija Mahinić
 - Dragana Stević
 - Dragan Stević
 - Bojan Stević

(Sastanak je nastavak zaključaka definiranih na sastanku od 04.02.2026.)

Tijek sastanka

Sastanak je otvorio g. Ivan Rebac, predstavnik Investitora (JP Autoceste FBiH), koji je podsjetio na zaključke prethodnog sastanka te naveo da je Izvođač u predviđenom roku dostavio idejno rješenje trajne sanacije.

Idejno rješenje potom je predstavio g. Marko Cvitković, predstavnik Izvođača, uz detaljno obrazloženje tehničkih elemenata predloženih varijanti.

Predstavljeno idejno rješenje – Varijanta 2

Prezentirana i obrazložena Varijanta 2 obuhvaća:

- Izvedbu otvorenog kanala (jarak) u dužini cca 45 m do lokalnog puta,
- Izvedbu propusta ispod lokalne ceste,
- Nastavak od ceste do rijeke Bunice kao zatvoreni kanal (PP1000 cijev),
- Izvedbu kaskade i ispusta na prelazu parcela, u skladu s tehničkim detaljima.

Rješenje predviđa kombinirani sustav odvodnje (otvoreni i zatvoreni kanal) radi kontroliranog prikupljanja i usmjerenog odvođenja voda prema recipijentu (Bunici), uz stabilizaciju terena i sprječavanje ponovnog iznošenja materijala.

Zaključak

Nakon provedene rasprave i dodatnih pojašnjenja, **zainteresirane strane su jednoglasno prihvatile Varijantu 2 kao trajno rješenje sanacije predmetne lokacije.**


Zainteresirane strane su na samom sastanku potpisale suglasnosti za provedbu predmetnog rješenja, a potpisane suglasnosti čine sastavni dio ovog zapisnika.

Na temelju potpisanih suglasnosti, Izvođač može pristupiti daljnjoj pripremi i izvođenju radova u skladu s usvojenim idejnim rješenjem, važećim propisima te uputama Investitora i Nadzora.

Construction of motorway on corridor Vc, section Tunnel Kvanj - Buna / Izgradnja autoputa na koridoru Vc, dionica Tunel Kvanj - Buna

No.	Name and surname	Organization/Institution/LC	Position	Signature	Contacts
1	IVAN REBAC	JPAC	CLO	Ivan Rebac	email: ivan.rebac@jpawbocet.ba phone: 063 438 811
2	JELENA ŠIMUNOVIĆ	PROYAPI	SUPERVISOR NADZOR	Jelena Šimunović	email: jelena.simunovic@proyapi.com phone: 063 857 548
3	GORAN MIHALIĆ	PROYAPI	SUPERVISION KONTOR	Goran Mihalić	email: goran@proyapi.com phone: 063 392 212
4	MARCO CVITKOVIĆ	HERING	CONTRACTOR IZVOĐAČ	Marco Cvitković	email: cvitkovicmarko@hotmail.com phone: 063 399 340
5	BOŽE TALIC	JPAC	INVESTITOR, EMPLOYER	Bože Talic	email: boze.talic@jpawbocet.ba phone: 063-321-060
6	ALIJA MAHINIĆ	VLASNIK ZEMLJE		Alija Mahinić	email: phone: 061-194-616
7	STEVIC DRAGAN	VLASNIK ZEMLJE		Stevic Dragan	email: phone: 065-867-574
8	Bojan Stevic	VLASNIK ZEMLJE		Bojan Stevic	email: phone: 065 125 271

Construction of motorway on corridor Vc, section Tunnel Kvanj - Buna / Izgradnja autoputa na koridoru Vc, dionica Tunel Kvanj - Buna

9	DRAGAN STEVIC	Ulogu zemlja	Ulogu		email: dragan.stevic@gmail.com phone: +387 95 822 837
10	RIKKA MAH/UC	HODBILA - PARILA			email: phone: 061 500 564
11					email: phone:
12					email: phone:
13					email: phone:
14					email: phone:
15					email: phone:
16					email: phone:
17					email: phone:

SUGLASNOST

za privremeno korištenje nekretnine radi izvođenja radova prije okončanja postupka eksproprijacije

I.

Ovom Suglasnošću uređuje se privremeno dopuštanje ulaska u posjed i izvođenja radova na nekretnini označenoj kao:

k.č. 835, 813, 807 k.o. Hodbina, Grad Mostar, na kojoj je u katastarskim evidencijama kao posjednik upisan pok. **Stević Stevo**.

II.

Suglasnost daje:

1. Bojan Stević, u svoje ime i u ime Rate Stevića svog brata i Ljubice Benz svoje sestre

(u daljnjem tekstu: Potpisnici), kao faktički posjednici i nasljednici iza pok. Steve Stevića, bez prejudiciranja konačnog utvrđenja prava vlasništva i statusa stranke u postupku eksproprijacije koji će provesti nadležni organ uprave.

III.

Potpisnik je suglasan da JP Autoceste FBiH d.o.o. Mostar (u daljnjem tekstu: JPAC), kao investitor projekta izgradnje autoceste, može privremeno ući u posjed predmetne parcele, izvoditi radove na izgradnji kanala za odvodnju, koristiti predmetnu parcelu u mjeri nužnoj za izvođenje i održavanje navedenih radova, sve do okončanja postupka eksproprijacije i pravosnažnog rješenja nadležnog organa uprave.

IV.

Potpisnici izjavljuju da su upoznati da je za predmetnu nekretninu planirano pokretanje postupka eksproprijacije radi izgradnje javne infrastrukture odnosno kanala za odvodnju, u sklopu izgradnje dionice autoceste Tunel Kvanj - Buna te da ova Suglasnost ne predstavlja prijenos prava vlasništva, ne prejudicira pravo na naknadu, ne utječe na utvrđenje kruga nasljednika i vlasničkih prava u postupku eksproprijacije.

Naknada za ekspropriranu nekretninu bit će određena u skladu sa zakonom, u postupku eksproprijacije, bez obzira na davanje ove Suglasnosti.

V.

Potpisnici izjavljuju da se na predmetnoj parceli, prema njihovom saznanju i faktičkom stanju, ne nalaze objekti koji bi mogli biti predmet posebne naknade štete zbog izvođenja radova ali se nalazi 7 stabala šipka starih 5-6 godina koji se trebaju kompenzirati kroz upravni postupak.

VI.

JPAC se obvezuje da će, po završetku radova, izvršiti dovođenje terena u tehnički prihvatljivo stanje, u mjeri u kojoj je to moguće s obzirom na namjenu izvedenih radova (kanal za odvodnju) te da će korištenu parcelu očistiti i vratiti u prvobitno stanje.

VII.

Ova Suglasnost daje se isključivo radi ubrzanja realizacije radova od javnog interesa i ne predstavlja pravni osnov za trajno raspolaganje nekretninom, niti zamjenjuje postupak eksproprijacije koji će se provesti u skladu sa važećim propisima.

VIII.


Suglasnost stupa na snagu danom potpisivanja.

U Mostaru, dana 20.02.2026. godine

Potpisnici:

1. Bojan Stević

Br. Lične: 6318099KE



SUGLASNOST

za privremeno korištenje nekretnine radi izvođenja radova prije okončanja postupka eksproprijacije

I.

Ovom Suglasnošću uređuje se privremeno dopuštanje ulaska u posjed i izvođenja radova na nekretnini označenoj kao:

k.č. 808, k.o. Hodbina, Grad Mostar, na kojoj je u katastarskim evidencijama kao posjednik upisan pok. Stević Svetozar.

II.

Suglasnost daju:

1. Dragan Stević
2. Dragana Stević

(u daljnjem tekstu: Potpisnici), kao faktički posjednici i potencijalni nasljednici iza pok. Svetozara Stevića, bez prejudiciranja konačnog utvrđenja prava vlasništva i statusa stranke u postupku eksproprijacije koji će provesti nadležni organ uprave.

III.

Potpisnici su suglasni da JP Autoceste FBiH d.o.o. Mostar (u daljnjem tekstu: JPAC), kao investitor projekta izgradnje autoceste, može privremeno ući u posjed predmetne parcele, izvoditi radove na izgradnji kanala za odvodnju, koristiti predmetnu parcelu u mjeri nužnoj za izvođenje i održavanje navedenih radova, sve do okončanja postupka eksproprijacije i pravosnažnog rješenja nadležnog organa uprave.

IV.

Potpisnici izjavljuju da su upoznati da je za predmetnu nekretninu planirano pokretanje postupka eksproprijacije radi izgradnje javne infrastrukture, te da ova Suglasnost ne predstavlja prijenos prava vlasništva, ne prejudicira pravo na naknadu, ne utječe na utvrđenje kruga nasljednika i vlasničkih prava u postupku eksproprijacije.

Naknada za ekspropiriranu nekretninu bit će određena u skladu sa zakonom, u postupku eksproprijacije, bez obzira na davanje ove Suglasnosti.

V.

Potpisnici izjavljuju da se na predmetnoj parceli, prema njihovom saznanju i faktičkom stanju, ne nalaze usjevi, trajni nasadi niti objekti koji bi mogli biti predmet posebne naknade štete zbog izvođenja radova.

VI.

JPAC se obvezuje da će, po završetku radova, izvršiti dovođenje terena u tehnički prihvatljivo stanje, u mjeri u kojoj je to moguće s obzirom na namjenu izvedenih radova (kanal za odvodnju) te da će korištenu parcelu očistiti i vratiti u prvobitno stanje.

VII

Ova Suglasnost daje se isključivo radi ubrzanja realizacije radova od javnog interesa i ne predstavlja pravni osnov za trajno raspolaganje nekretnostima, niti zamjenjive postupak eksproprijacije koji će se provesti u skladu sa važećim propisima

VIII

Suglasnost stupa na snagu danom potpisivanja

U Mostaru, dana 20.02.2026. godine


Potpisao:

1. Dragan Stević



Br. Lične: 631708E26

2. Dragana Stević



Br. Lične: 63180998A

VII.

Ova Suglasnost daje se isključivo radi ubrzanja realizacije radova od javnog interesa i ne predstavlja pravni osnov za trajno raspolaganje nekretninom, niti zamjenjuje postupak eksproprijacije koji će se provesti u skladu sa važećim propisima.

VIII.

Suglasnost stupa na snagu danom potpisivanja.

U Mostaru, dana 20.02.2026. godine


Potpisnici:

1. Dragan Stević



Br. Lične: 631708E26

2. Dragana Stević



Br. Lične: 63180998A

